

書名 空同先生集六十三卷 嘉靖九年序刊本
撰者 明 李夢陽 撰
卷 卷二十八
內容分類 集 別集 明中葉
索書號 倉石 40084
編號 4008000

卷二十八



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾
坤
高卑易矣
星辰在下
江河逆矣
天喬喬天

北郡李夢陽撰

鈍賦

述征賦



宣歸賦


寄兒賦

竹石賦



李空同全集
八





先生集卷第二十八

北郡李夢陽撰

詩 五言律詩四十八首 排律二十九首

感述二十三首

大道觀會飲三首 春日漫成

人折牡丹見贈賦之 客至二首

春宴二首 疊前韻二首

丙戌中秋召客賞之以雨多不至者

丙戌十六夜月 東園偶題

南庄塘水綠漫補治小舟乘興泛遊數廻
月槐之下與程生談亦念其夏遊自去歲

秋雨夜起

聞鴈

喜雪

嘲雪

雪晴

暑夜

詠物二十五首

風

春夜雪

餘雪

春雪時 帝在宣府

立春日雪

鸚鵡

詠部鶴

詠鶯

詠白兔

鴈

衝鴈

白鴈

襄中見鴈

菊

菊時一種數本其一逾秋獨妍爰及至日其華韡然當庭見者駭嘆携酒來賞予賦二詩

菊遲

丈菊和王左史

葡萄

聞蟬

詠蟬

詠庭中菊

小燕

小雀

小鵲

排律二十九首

華嶽二十韻

新秋值雨十韻

五月大雨省中八韻

紀變二首

冬日靈濟宮十六韻 簡何舍人二十韻

少傳西涯相公六十壽詩三十八韻

在嶽聞余師楊公誣逮獲釋踴躍成詠十韻

赦出館李員人別業顧侍講清暨汪編脩俊

俊弟編脩偉許枉訪不至十韻

赦歸冬日宴劉氏園庄十四韻

冬至劉氏園庄十韻 冬野觀射三十四韻

六月豫章城角樓宴集二十六韻

鄱陽湖十六韻 哭徐博士二十韻

南浦驛見官押送來降韃靼詣桂林

貢院雨夕柬僉察內江李君十四韻

龍沙遇毛君武亭再餞

秋日訪王生山中因與携酒躡嶠探蠻王洞

觀古刻遂踰嶺造峴石而飲二十二韻

寄陸子深二十四韻 送陳憲使淮上兵備

寄贈余子 雨宴別封丘弟

黃君五十六歲始舉一子是年予亦有次郎

黃冬官也厥父尚書予故得侈其家世

秋日城東陂餞汪三 贈王秋官二十四韻

雪臺子家見杏花 贈復齋子二十韻

感述二十三首

大道觀會飲三首

啟閣元無暑清林更著烟人觴金像側馬繫石門前

壁草侵衣冷壇花落酒鮮丹青半磨滅何處問諸天

二

殿閣生秋早壺觴散客遲
蟬吟松露下鶴入島雲隨
塵世人堪醉蓬萊路竟疑
羨門如可作願與跨青鷺

三

與客寒瑤草開筵傍洞花盤堆白石髓觴瀉赤城霞
靜悟陰陽轉衰從髮鬢華看君有仙骨倘許授丹砂

春日漫成

豪直欺酒綠老每厭花紅
人事年年異春風物物同
雲霄猶旅鴈時序又新菘
潦倒元吾分金尊莫放空
人折牡丹見贈賦之

俗眼開爭折花心抱自知
色新兼露至香在有蜂隨
老病傷春日乾坤傍杖時
落紅紛紛點點忍把出群枝

客至二首

宛宛酒船至依依小隊過
亭於草玄近溪比浣花多
繫馬穿芳樹持杯向碧蘿
更謀泉上飲無遽促鳴珂

二

訪隱春行早衝風野興豪
鹿銜初出草鶯坐半開
樵一叟烟霞僻群公位望高
浚郊元此地今日又干旄

春宴二首

一本作春日宴崑崙王子園池二首

物與吾何異春隨地不同
游歌盡墨客亭榭半花風
身世一杯外山河雙眼中
無言時未夏已報石榴紅

舞

二

老為春憐酒閒將客問花檻楊晴故雪堦藥晚能霞
地與歌鶯轉人爭武燕斜但來須共醉莫使負韶華

疊前韻二首

一本作再過崑崙王子園池疊前韻二首

昨與君游處今來訝不同早荷浮嫩水夏樹起初風
人醉孤亭上禽鳴萬竹中興深天亦助斜日片雲紅

二

舊徑添雙樹新叢試一花春風逗笑語落日變雲霞
圃色隨人遠樓陰趁酒斜誰知在塵境遠尔隔紛華

丙戌中秋召客賞之以雨多不至者

隔年期月易一夕借光難秉燭筵非改登樓客不懽

竹風秋聽力松雨夜留寒天柱峰頭色應還似畫看

丙戌十六夜月

是夕微雲中天遂朗因憶往時京華賦詩有清

鬱桂闕一分影寒落江門幾尺潮之句人多傳

誦彼吾少俊今遠老醜并前詩忘之矣亦以集

未收載

月豈無晴夜天終有散雲微微透今夕朗朗至宵分
鏡展池波暈珠明草露文呼兒暖餘酒酌罷一鴻聞

東園偶題

孤亭萬木裏獨坐一花飛老更知春色間能到夕暉
微風偏媚蔓返照故燠衣隔院香逾好呼兒莫掩扉

南庄塘水綠漫補治小舟乘興泛遶數廻
久懷浮海意偶觸濟川心一艇方塘繞杳然春水深
槿花能泛泛雲日故陰陰還艤綠楊下番憎黃鳥音

月槐之下與程生談亦念其夏游自去歲

月出槐初定風微影尚搖念離仍是夏拚坐忽分宵
星斗來天近塵沙去路遙別情兼望雨白首夜頻翹

二

旱時偏苦熱沙國每愁風今夕客談處孤槐清月中
露凝天故白榴近夜能紅明發衝南暑逾江莫更東

秋雨夜起

簷雨響不絕披衣中夜興寒聲壓高閣濕氣逼踈燈

聞鴈同賦 曹嘉

連翩升紫塞嗒嗒過
秋城帛滌傳書淚砒
催搗練聲雲際飛抱
近風細落還輕此夜
高樓笛懷人幾度橫

一鴈叫何處數蛩吟可憎誰能奮長劍割破黑雲層

聞鴈

慘澹胡風起連鳴上碧霄纔聞秋浦外已復夕山遙
哀故欺霜角清應斷夜蕭南樓有思婦夢恰到西遼

喜雪

老健裘能著寒吟雪故行袖承花數出履蹴霰求聲
飄即諸山壓填應四海平久知三白貴吾已十年耕

數上聲

嘲雪

恠爾梁園樹先春忽自花態多低復起形弱直還斜
祗解光迷鶴無能色變鴉玉樓銀闕裏汝敢鬪瑤華

雪晴

餘雪且休騁高空微欲曛
盈盈看玉樹澹澹入黃雲
奮激鵬連起啁啾雀自群
巖風暮益發天隙認星文
暑夜

微月通簾閣踈星下檻塘
樹陰交進濕水氣暗生涼
歲月一陰長乾坤雙鬢蒼
北窻聊復爾敢謂上羲皇
詠物二十五首

風

鈴閣晚猶急月窻宵漸輝
稍驅雲霧散翻重雪霜威
起坐爐須擁晨看木盡稀
徘徊問氣勢恐逼漢宮闈
春夜雪

獨客初春夜孤城急雪時
戰風纔白地欺月已平池
數聽鴻飛亂虛愁花發遲
世無戴安道誰見剡舟移
餘雪

飢鳶側目過餘雪且紛紛
風起惟催霧天空故縱雲
回聲捎竹細疊片壓枝分
憂國非吾事占年亦自欣
春雪時 帝在宣府

鴉鳴曉雨至零亂忽成花
着地融難白隨風弱易斜
色應疑燕雀寒恐滯龍蛇
塞路今休擁春風返翠華
立春日雪

獨有梁園雪風花賦裏寒
婆娑遇春日醉起倚樓看
鳥動紛離樹人來故上闌
相逢函農事誰暇問袁安

鸚鵡

鸚鵡吾鄉物何時來此方綠衣經雪短紅嘴歷年長
學語疑矜媚垂頭知自傷他年吾倘遂歸爾隴山陽

詠部鶴

寄跡含香含淹情嘉樹林長鳴如有訴狎俗到如今
不染風塵色常存霄漢心會應王子晉接爾向嵩岑

詠鶯

嫋嫋花絮亂交交黃鳥歸慙慙度碧葉迴轉惜金衣
不向艷陽語似傷儔侶稀王孫多彈射莫羨上林飛

詠白兔

趯趯來何處爰爰上玉堂不因丹竈躍那覩雪毛香

書日行疑月炎天卧有霜異時歸搗藥莫礙廣寒光

鴈

旅館經花夕哀鴻時一聞孤鳴元赴侶亂語欲驚群
漸起隨邊角遙傳隔塞雲更深何處落斜月轉紛紛

衝鴈

可惟鄱湖鴈昏飛猶自群乍翻還近舸忽起盡隨雲
浦闊看宜小山長去不分祗疑南下盡猶阻北書聞

白鴈

八月白鴈至中宵聞爾哀亦知先伴起無爲報霜來
月靜飛難見雲深去不回故園消息斷愁病轉相催

襄中見鴈

秋風羣鴈過萬里順歸毛搖落已如此雲霄空自高
盈盈拂楚塞冉冉影湖濤定出邊烽裏哀鳴嗟爾勞
菊

日麗秋霜白天清野菊黃亦知甘隱逸偏得近壺觴
屢折元因醉斜簪一任狂乾坤傳舍耳節賞莫思鄉
菊時一種數本其一逾秋獨妍爰及至日黃
華韡然當庭見者駭嘆携酒來賞予賦二詩
節過諸芳盡冬深爾獨妍那知冰雪候復敞菊花筵
蕊凍黃逾嫩枝踈綠更鮮試令彭澤見應費掇英篇
正色千巖候殊姿破暮寒名均梅自妬節晚竹同看

歲月陽回易冰霜爾立難無言載酒客繾綣近闌干

菊遲

吾家數叢菊節近未含姿種日人同早開時爾較遲
編籬護密葉繞砌嗅寒枝切恐重陽至無錢足酒卮
丈菊和王左史

食蕊難及憐芳仰屢觀縱令他處有爭伴醴筵歡
葡萄

舊榦踈曾訝新條密更垂苑花深悄悄風葉漫披披
馬乳秋同摘龍鬚世豈知相傳自西域種雜至今疑

聞蟬

夏林踈過雨秋意爾能知響入雲俱迴聲迴風故吹
抱貞惟隱葉避害屢跳枝多少垂楊裏爭吟日暮時

詠蟬

孤清不自掩滄露且風吟漸送炎蒸月那知獨苦心
傍齋棲樹穩響葉度雲深已信一枝足何須上國林

詠庭中菊

亦隨群草出能後百花榮氣爲凌秋健香綠飲露清
細開疑避世獨立每含情可道蓬蒿地東籬萬代名

小燕

小燕群騰壘朝游夕每歸踏枝搖復穩疑路止還飛
日月銷黃口風雲長黑衣吾家廬室隘好向玉樓依

小雀

黃口青條上翩翩索哺頻解飛猶趨母真性不疑人
列鼎肴莛待空城彈射巡野田禾黍徧何處不宜身

小鵲

簷際翻翻鳥將雛惜惜行攪眠真懊惱傳喜不分明
化印何年就填河幾日平徒然盛生息群噪每能晴

排律二十九首

華嶽二十韻

有嶽雄西土三峰插渭川省方朝白帝分野障金天
迤矣威靈赫遐哉秩望虔百王開寶錄七聖演瑤編
綺殿丹青列文窓俎豆聯風雲蒸大壑日月避層巔

驚舉天門闕，翫吐地軸旋。巖巒鬱蒼蒼，翁脊嶺嶂鬱。縣
猿掛仙人掌，蘿飛玉女泉。霞霧夕的皪，錦繡曉相鮮。
葛藟搖金壁，芝苓冒紫烟。石膏滲復結，鍾乳滴猶懸。
右壓秦胡壯，南包漢鄧偏。徒追散馬日，緬憶祖龍年。
箭括通神戶，雲臺秘妙筌。豈惟棲鳳侶，亦以遯鴻賢。
方士騎茅狗，宮人採石蓮。褰帷瞻窈窕，拄笏悵攀緣。
陰井邀雷馭，陽崖起電鞭。聊遊凌絕頂，不爲學神仙。

新秋值雨十韻

積雨塵營寡，端居羈思繁。火流驚暗換，鶴濕想孤鶩。
鬱暑終收雪，新涼已破煩。覓詩謝眺閣，高枕右丞軒。
簷溜衝花落，籬湍卷葉奔。隨龍動玉闕，辨馬失金門。
亂案螢那聚，歐齋蛩已喧。造朝疎雨具，邀友阻吟尊。
塞國柳應盡，上林花幾存。忽思禾在野，躑躅望朝暾。

五月大雨省中八韻

五月行秋令，新寒奪盛溫。萋萋雲色暝，颭颭雨聲奔。
啓戶涼風進，臨溝驟浪喧。連山浮海氣，大陸走河源。
已阻金門謁，疑將華屋翻。夜更燈燭坐，晝輟簿書煩。
豁霽思長劍，歸栖憶故園。解誦愁霖作，泥中非遁言。

紀變二首

元年建申月，慧出掃寒芒。勢掩旁星布，先於中夜長。
連斥竟大老，密奏合文昌。台以司空圻，星知上將亡。
流通人事邇，仁愛帝心藏。忽憶臨崩詔，看天淚數行。

太白今宵見光芒何太明經天復晝見國難且胡兵
度影休銜闕低空幸隱城天高聽亦下人勝運須更
避殿惟皇切推輪遣將誠羯奴行就縛飛慰諒閭情

冬日靈濟宮十六韻

貝闕崑崙外浮生此路疑蓬萊移禁國塵世出瑤池
蕞爾雙仙跡飛騰後晉時論功竟恍惚識兆且逶迤
愆憑精靈託呼噓霹靂隨先皇親議號繼聖必修辭
爵陟王侯上尊同帝者師龍襦分內錦官女準昭儀
雨露官城切星辰天仗移琳琅搖繡拱松栢蔭丹墀
瓶內金花踊龕前紫鳳垂晴還日月秘暝則鬼神悲

官一作宮

官一作

玉鼎推龍虎瑤編述姪兒漢惟樂大顯秦竟羨門斯
五帝非無術千齡今見誰累朝盟誓冊玉櫃少人知

簡何舍人二十韻

黃扉通內閣左順切文華密勿君臣契尊崇禮數加
詞頭存故事國體與宣麻奏絕銅函密封非墨勅斜
四門欽舜闢隻日鄙唐邪乾斷人心協風淳主德遐
萬方咸就日六合迥為家司馬元牛走卧龍曾兔置
吹噓振羽翮變化奮泥沙邦計思劉宴兵謀愧左車
分番春扣闥捧牘晚歸衙影拂垂城草香携出苑花
讐經違白虎投筆困青蛇每憶仙池鳳私慙省樹鴉
拘羈那有適追琢真無瑕不忍醒為醉胡由玉倚葭

聖朝巢父耳荒里邵平瓜稔抱丘園欲私祈紀運嘉
鳴文極燕許熙載老姬牙帝澤川歸海浮雲莫蔽遮

少傅西涯相公六十壽詩三十八韻

龍馬千年會崧高萬古神負圖魯翊聖間氣又生申
穎拔元無敵清修況絕倫生來近日月齟齬上星辰
懷橘休前輩探鏢祗後身早承金馬詔竟冠玉堂賓
講幄時霑醉宮坊數賜珍文章班馬則道術孟顏醇
絕藝壺斯上高情韻縮隣一揮驚霹靂隻字破風塵
絢練王侯宅蒼茫海嶽濱幽劄光沕窟巨榜照嶙峋
星燦將軍碣雲垂學士珉岬題半吳楚墨刻徧齊秦
振鷺天衢麗登龍野服臻諸生彌濟濟夫子益循循

江漢誰堪濯桃梅自有春空傳馬融帳真慕介休巾
憶昔逢先廟援公輔大鈞至人虛密勿君子以經綸
商鼎調和切虞廷吁咈頻八方生氣象萬物荷陶甄
日宴離黃閣雞鳴侍紫宸羨分紫駝背袍錫錦麒麟
顧命留元弼今皇禮舊臣屹然匡社稷公論在朝紳
鶉首星躔徙龍飛歲序新風雲回甲子天地慶茲辰
却老形如鶴憂時髮若銀含悽麾賀客雅志爲蒸民
愚也蓬蒿士蕭條塞鄙人猥蒙嘘弱羽從此躍塗鱗
原憲終多病彭宣晚見親臨洋徒嘆惋學步轉遭迤
寶繪開蓬島清歌頌大椿微涓寧溢海撮土詎增岷
古意同如此中懷托具陳願爲金石檝永永濟迷津

在獄聞余師楊公誣逮獲釋踴躍成詠十韻
六苑中丞府三邊大將旗先皇親授鉞報主獨牽帷
朔漠威名壯風霜髮髮衰功高元避賞道大不容時
丞史輕周勃朝廷重子儀未論遭鵬鳥先已縱塗龜
北固潛夫早東山起謝遲蛟龍沒海闊日月倒江垂
杖履金山寺文章鐵甕碑終頌陸贄詔四海漸瘡痍
赦出館李真人別業顧侍講清豎汪編修俊
俊弟編修偉許枉訪不至十韻

開業傍仙宮逶迤金闕通綵雲偏近日瑤草靜含風
野性耽沉寂携遊想數公秋林葉自落露井果猶紅
搖筆憐清景吹簫望碧空寒山萬井外滄海五陵東

御筵龍餽 臣蕃成失馬翁生涯真畫餅故舊各飛蓬

對食懷金馬開筵列玉童不知東閣士清論幾時同
赦歸冬日宴劉氏園庄十四韻

脫難旋疆里行歌入宋中陰陽雙轉轂天地一飛蓬
憶昨遭拘繫悲傷途路窮鄉生猶雨雹列子竟乘風
歸作墟中叟來從河上公壺觴聊假日村塢坐書空
卜築劉園麗芳菲漢苑通冬亭饒霧露陽井下霜虹
候煖水桃熟林空晚柿紅玉芝穿曲檻青篠蔽虛櫳
樂極悲心發時違感慨雄古人隨蔓草吾道付冥鴻
去魯情難忍遊梁跡豈同重思竊符子攬淚宋門東

冬至劉氏園庄十韻

暖暖寒城曙，縣縣野徑紆。初陽升古戍，白露靜園蕪。
欵客葉尊並，開堂松樹孤。登高望雲物，極目散江湖。
孟澤馳龍伏，芒碭鴈鶩呼。行藏虞氏傳，勲業阮生途。
且盡留連飲，休嗟序運徂。群臣迎節動，百卉待春蘇。
日月悲羈旅，乾坤識故吾。寄言招隱者，斯地有潛夫。

冬野觀射三十四韻

繁臺一名講武臺

雲驥橋邊路，繁臺寺畔亭。登臨壯古昔，時序嘆沉冥。
乍見芳草歇，那堪霜霰零。冬殘柏自秀，春逼柳先青。
叨有衣冠會，能教酒盞停。狂將賓作主，興與醉爲醒。
講武仍存記，威弧合準經。鶻違遵取解，貍獲放懸庭。
矢勁風推疾，弦開月避形。奔狸失故窟，矯鶴墜生翎。

疊發無單中，虛歸必染腥。叔才羞縱送，蒲弋媿娉婷。
末德矜先捷，高賢哂一丁。雖非尚力藝，亦異養心靈。
改服遊荒寺，携壺扣寂扃。雪光搖凍薄，冷鳥下昏汀。
宿鷓爭崑坎，鳴鐘出石櫺。哀因樂乃發，慮以道爲寧。
憶昔遊梁始，伊余實孺齡。探鰥遊汴館，懷橘向王廷。
十五飛觚翰，冠年志典刑。彎弓獵草澤，走馬向林坰。
頗頌沙頭鴈，還慚水上萍。謬隨朝日月，過舉犯雷電。
擯斥傷垂鷁，棲遲學聚螢。無論顏灼灼，已時髮星星。
岩眺殘雙嶠，川游寄一舲。烟霜日慘慘，河漢夜泠泠。
感舊聊今詠，勞歌啓後聽。世情真箭括，吾意竟雲駟。
嗜武非良節，摛文豈至馨。緬思美門子，末慕令威丁。

海帝金銀闕江妃碧玉瓶終當別玆土長嘯入滄溟
六月豫章城角樓宴集二十六韻

逃暑宜高會登城復此樓開窓萬里盡近檻一江流
域勢銜天闊山形抱郭幽登臨出百越指顧見東甌
暇日群公集飛軒六月秋管絃邀落景觴竿散清眸
俯寧雲偏擾迷波地欲浮時花紛浦淑昏鳥識林丘
忽在三辰上真超萬象遊寒區憐溷濁車馬鬱喧啾
解帶烹魚飫揮毫藻麗酬微風間白羽岍憤送沙鷗
自昔觀中宇洪都實上游匡廬巍峩嶽彭蠡浩悠悠
節鉞唐開府春秋楚大州文章滕閣最風節稗亭優
下榻塵埃滿鳴鑾樂事收濤聲還粉堞草色自芳洲

已有與亡感兼懷盜賊憂羽書諸道急節制大臣躬
立見鯨鯢戮私防玉石仇干戈沉戰艦風浪羨歸舟
河嶽縈三晉秦關啓二周凭闌慙後食彈劔想前修
解組陶公性思鄉王粲愁獨啜非燕頷猶自說封侯

鄱陽湖十六韻

太祖平陳日樓舫下此湖波濤留壯色天地見雄圖
水上開黃屋雲中下赤烏士猶詢後載戈已倒前徒
力屈鯨鯢仆聲回鴈鷺呼橫江收玉筍跨海定金符
文軌遙通楚梯航訖至吳虎賁雖莫敵龍戰豈全辜
血染猶丹草骨沉空白蕪汀洲夜寂寂霜月鬼嗚嗚
殺氣鼉鼉徙腥風島嶼孤習人拾古鏃艇客慨秋菰

偉彼高光烈，還將蕭鄧須。英謀協睿筭，勇奮想長驅。
劔瘞神仍王，舟焚勢與徂。康山魏廟在，忠武激頑夫。

哭徐博士二十韻

乾坤風色暮，江漢哭斯人。棘寺翻飛日，文園久病身。
數竒官竟左，材大命須貧。放浪原違癖，羈淹祇爲親。
赤城終羽節，璧水暫儒紳。鵬鶚偏垂翮，鯨鯢不縱鱗。
回殂豈道薄，屈憤轉時屯。藥石魂能返，龍蛇識亦真。
楚狂嗟鳳鳥，魯叟泣麒麟。邂逅京華始，風雲氣象新。
造鵲陪玉筍，倚馬接華裯。宅燕南陽月，花吟東部春。
回頭成宿昔，開眼漸風塵。妻子今誰託，文章後益振。
玉喬跨鳳鶴，傳說化星辰。松柏丘墳崛，灰沙劔舄陳。

閨門寒擊甕，吳水痛沉珍。宿草扁舟阻，生芻絮酒伸。
碑非蔡邕愧，誅豈仲宣倫。獨把延陵劔，吞聲淚滿巾。

南浦驛見官押送來降鞋鞞詩桂林

欵壘因王化，投荒荷主恩。官爲供廩餼，詔許挈兒孫。
瘴雨凋胡服，蠻鄉引塞魂。分明共日月，耐可異乾坤。
慘澹顏容變，軒昂故性存。彎弓望五嶺，似欲遂平吞。
貢院雨夕柬僉察內江李君十四韻

鎖院春霖積，分司湖水遙。萋萋灑書閣，藹藹度空寮。
葉洗臨軒翠，花含向客嬌。扣簾時攪食，翻卷夜焚膏。
竟誤朱衣點，那防白鼠跳。蛟龍雲雨會，牝牡冀群挑。
忽有同宗念，爰申獨處謫。涕流真慕賈，兵論每凌晁。

意氣陳雷許時名李杜超暫違萌鄙吝相憶減丰標
草徑青迷馬楊津綠漫橋樓臺迴暝色江海劇風潮
恒切毛錐嘆常懸寶劍招橫鱗詎池沼鷓鴣快雲霄
龍沙遇毛君武亭再餞

羈鴻常慕侶谷鳥友先求不盡龍宮興番成虎帳遊
夏深濃岍柳雨減出蘆洲棹艤北沙穩山迎西戶幽
江湖半落照風水獨離憂舊部群公薦新符百粵州
天浮洞庭闊海盡日南流白首今遙別金尊莫倦留

秋日訪王生山中因與携酒躡嶠探蠻王洞
觀古刻遂逾嶺造峴石而飲二十二韻

舊見今相聚新秋爾一過我尋龐氏鹿本美右軍鵝

草木疎孤峴霜風落漢波紆習池轉峴峭寺林多
道器沉冥蘊天倪吐吸和違群甘衆吻守一賴神訶
貧擬懸鶉憲廉持訓蚓軻甲囊魏世業章甫發賢科
獻策蕢偏斥逃名籍每酖巨魚行縱壑隻鳳且遊阿
嫋嫋交簷桂菁菁被隰莪柴門伴老衲蕪徑謝鳴珂
園賁幽人吉谿盤碩士邁十隣王翰欲懷里仲宣頗
去就堪余嗔生涯柰路何昔人竟誰在吾道合狂歌
逞醉探雲嶠逾巔憇石窩洞昏剥字蘚巖長掛巾蘿
一水寒明練千峰暮集螺笑疑揺地軸手可拂天河
窈窕奔山鬼光華掩珮娥豫防義馭速取辨魯陽戈
寄陸子深二十四韻

爲復淹邦邑旋仍寄海城一看東溷月幾喚北江鶯
地濕身曾健潮誼寐果驚烏情終急哺驥子竟何成
踽踽形將影滄滄弟憶兄累朝誰直筆四海獨蒼生
前漢留班史雲間挺陸衡餐揮巨口繪卧聽九臯鳴
方朔元金馬長門足長卿文章會琬琰舉動必鏗鎗
夜有青藜引晨趨華蓋行數旣楓禁切視草藥階清
夙昔鄱陽使伊余擁憶征雲靈負嶠虎風湧駭波鯨
黯黯川原血轟逐玉石傾衣冠函竄突戟劍曼摩爭
卽幸緘書達猶慚虛左迎扶搖冀奮翼驟裏忽垂纓
混沌玄黃戰陰沉日月精眉山亦按獄谷口合歸畊
早見羞張摯交讒似屈平竟陳徒憤鬱高義祗拘儻

茫渤任公釣緜岑子晉笙吾衰尙餘此長嘯舞霓旌
送陳憲使淮上兵備

世徑轉蓬勤清秋袂一分攬綬霜日肅前路鼓笳聞
誅卯元兼武出師非乏文渤光搖組練淮色變風雲
陣偃龍蛇互威行虎豹群檄湏陳記室客有孟參軍
校獵歸常月投壺醉每曛椎牛將士飽賣劔婦男耘
河伯黃樓厭芒碭赤氣殷徐人信慄悍楚壤鬱氤氳
諸盜山東起長驅宇內焚斯邦實元元朝論日紛紛
挽漕初疑阻提兵竟策勲瘡痍鑿不遠喉脇仗須君
鷲擊豺狼伏春敷草木薰異時功業地壩海接江濱

寄贈余子

余子去吾父行藏今若何
黃山住實近白髮爾應多
身以煙霞癖心通日月和
龜蒙元倚釣康節竟成窩
林壑潛虬日江湖放鷁過
鄉人欽杖屨世路笑風波
初度臨萸菊高筵敞薜蘿
橘陳屈子頌鶴擬李生歌
日落峯回色雲香客半醺
壽杯思欲把惆悵隔三河
雨宴封丘別第

飛蓋凌晨集行宮映雨開
天爲歌鼓動霧拂舞筵迴
賓客梁王盛山河故國哀
長沙悲舊傳屠市隱真才
憶昔兒童聚惟今老大催
達人元曠逸萬物且形骸
樂混寒聲沸尊添暝色來
斜風霑緜席踈點灑金杯
雜逞龍仙互先爭虎豹摧
轉眸升旭日覆手下秋雷

尚有權娛歎須防禮法猜
門衢汨泥淖莫遣引燈回

黃君五十六歲始舉一子是年予亦有次郎
黃冬官也厥父尚書予故得侈其家世

異骨成何晚真毛產固殊
雲移丹穴種霧滃渥洼駒
驀墮懷中月俄橫掌上珠
試啼存大鑑摩頂協玄符
彌月翻身健暮年認父呼
聿曾提俎豆詎但識之無
鄉里論前輩尚書挺後模
終於金石貫貽厥鬼神扶
冠玉元諸子含香矧丈夫
急流棄軒冕長嘯卽江湖
人每占瞿後天應福趙孤
外家邠老裔晚境樂天雛
瑞擬連胎蚌賢期返哺烏
星辰追履上詩禮紹庭趨
抱子誰非足憂時爾實迂
向來顛種種今始覺于于

失路均浮梗爲鄰獨守株弄璋亦偶爾獻璞欲何須
湯侯兒童長虛愁日月驅龍豬吾暇較天地幾桑榆

秋日城東陂餞汪三

聚首仍何處分襟復此陂衣冠屯綠淑笳鼓截清漪
自爾爲三益伊予畏四知周交醇稷飲車坐衆賓嬉
嘆息今逢暮那堪古別離池臺杜甫徧舟楫謝安移
棹撥天疑破窓旋岫欲隨涼風下齒齒人語避鳥鷺
暫輟蕪葭唱眞生霜露悲但看眼前事能負手中卮
歛邑誰黃髮汪門汝白眉少游梁孝苑老動季鷹思
杳杳憐江海悠悠悵路岐餘霞散錦繡落日湧琉璃
雲物秋元異權娛夜更追寒蟄依斷梗微月隱疎籬

逸氣衰猶壯睽心醉不支淚深南浦草愁重北梅枝
飲罷還持袂潮平是去時相尋有遙夢應繞碧湖湄

贈王秋官二十四韻

紫氣開三極皇風穆四陲嵯峽金虎地瀟灑白雲司
東拔才賢入飛騰位望推呂條元慎罰虞典固先疑
聿自刑書鑄相沿律令垂歷朝徒異議聖代實宏規
域皞麒麟至囹空狴犴離群居搜簡帙高楫講黃義
眷此驂騮種曾於汗血知鯉庭眞獨授鴈塔果爭馳
爾在通家子予慚私淑師豪驚文考賦智讓孝娥碑
道路分雙旆江湖把一麾閣清霜並肅車動雨偏隨
禮樂徵王粲聲名采杜詩大龜終納錫威鳳合來儀

振珮游香署裁冠侍玉墀
臯陶淑問日季路片言時
汝遂青雲致吾寬白髮悲
仕途迂謬逐丘壑太平宜
但看陰陽轉寧論桑海移
雪溪王子棹竹墅謝安碁
顯晦誰能料流行每若斯
寄言諸彥碩努力赴前期

雪臺子家見杏花

九陌春風起居庭一見花
偶來吾下馬先有客停車
猶是輕寒日那禁爛熳霞
覓詩巡獨樹泥酒摘高葩
色故流衣袂香能染帽紗
心俱是幻身外豈須嗟
冷暖隨人事行藏付物華
明朝約重賞莫遣落塵沙

贈復齋子二十韻

豈謂懸弧日今逢獻襪辰
丁亥十一月十九日冬至梅樽初介壽

葭管暗浮春王國多賢者
朝廷是聖人八荒元皞
皞七世益振振北斗天元
氣南陽帝近親方城鬱律
律江漢白粼粼憶昔生申
甫崧高實降神一陽消長
意七日往來因刻志耽經
史忘形下縉紳座無絕纓
客門有曳裾賓楚醴朝朝
設梁園事事新心於業遂
廣性以學而淳禮樂河間
竝文章子建隣八公傳誥
日三老述年晨瑞霧濛朱
閣香塵擁書輪筵開金玳
瑁烟裊玉麒麟避地淹叢
桂停雲詠大椿力耕知稼
寶苦節愧儒珎欲振扶搖
翮其如潦倒身呂稽千里
駕終擬託雷陳

空同先生集卷第二十八

空同先生集卷二十九

北郡李夢陽撰

詩 七言律詩七十首

大禮六首

赴郊觀宿

西壇候 駕卽事

桂殿

感述六十四首

秋懷八首

新秋見月

晚晴郊望

曉詣西壇候 駕

扈從耕籍

謁陵

雪後朝天宮

春晴憶湖上

郊行